



**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD ŽIVINICE
GRADONAČELNIK**

Broj: 01/2-04-89-1205/22

Živinice: 29.06.2022. godine

Na osnovu člana 38. Statuta Grada Živinice ("Službeni glasnik Grada Živinice", broj: 5/19 i 9/21), član 6. Odluke o stručnom osposobljavanju bez zasnivanja radnog odnosa nezaposlenih osoba sa područja Grada Živinice ("Službeni glasnik Grada Živinice broj: 6/22), na prijedlog Komisije za provođenje postupka stručnog osposobljavanja bez zasnivanja radnog odnosa nezaposlenih osoba visoke stručne spreme (VSS) i srednje stručne spreme (SSS)- III i IV stepena i službe za opću upravu, društvene djelatnosti, BIZ i raseljene osobe, gradonačelnik Grada Živinice objavljuje

JAVNI POZIV

za prijavljivanje zainteresovanih nezaposlenih osoba visoke, više i srednje stručne spreme pravnim subjektima za obavljanje stručnog osposobljavanja bez zasnivanja radnog odnosa

Član 1.

Pozivaju se nezaposlene osobe visoke, više i srednje stručne spreme, evidentirane kod JU Služba za zapošljavanje Tuzlanskog kantona, biro za zapošljavanje Živinice, koje nemaju potrebno radno iskustvo za polaganje stručnog ispita, odnosno odrađen pripravnički staž, da se u toku 2022. godine mogu prijaviti u pravne subjekte za obavljanje stručnog osposobljavanja bez zasnivanja radnog odnosa, radi sticanja uslova za polaganje stručnog ispita.

Član 2.

Na zahtjev nezaposlene osobe visoke, više i srednje stručne spreme, uz dostavljen dokaz da je ista evidentirana u JU Služba za zapošljavanje Tuzlanskog kantona, biro Živinice, pravni subjekti (preduzeća, ustanove, i drugi) ukoliko imaju obezbijeđenog mentora odgovarajućeg zanimanja u toku 2022. godine (period dok traje stručno osposobljavanje bez zasnivanja radnog odnosa nezaposlene osobe) uz prethodno pribavljenu saglasnost Službe za opću upravu, društvene djelatnosti, boračko invalidsku zaštitu i raseljene osobe Grada Živinice da mogu primiti nezaposlenu osobu sa područja grada Živinice na stručno osposobljavanje bez zasnivanja radnog odnosa, i sa istom zaključiti u pisanoj formi Ugovor o stručnom osposobljavanju bez zasnivanja radnog odnosa.

Ugovorom između pravnog subjekta (poslodavca) i nezaposlene osobe na stručnom osposobljavanju bez zasnivanja radnog odnosa definisat će se početak i vrijeme trajanja stručnog osposobljavanja, imenovanje mentora, radno vrijeme kao i druga prava i obaveze nezaposlene osobe i poslodavca tokom trajanja stručnog osposobljavanja, te da će nakon uspješno odrađenog stručnog osposobljavanja bez zasnivanja radnog odnosa pravni subjekt nezaposlenoj osobi kao dokaz o tome izdati odgovarajuće uvjerenje.

Član 3.

U postupku pribavljanja saglasnosti iz člana 2. ovog javnog poziva, pravni subjekti dužni su uz zahtjev za pribavljanje saglasnosti Službi za opću upravu, društvene djelatnosti, boračko invalidsku zaštitu i raseljene osobe Grada Živinice dostaviti dokaz da je nezaposlena osoba sa kojom žele zaključiti Ugovor o stručnom osposobljavanju bez zasnivanja radnog odnosa evidentirana kao nezaposlena osoba u JU Službi za zapošljavanje Tuzlanskog kantona, biro Živinice (potvrda ili uvjerenje Biroa za zapošljavanje) i da imaju obezbijeđenog mentora odgovarajućeg zanimanja za navedeno lice.

Član 4.

Broj nezaposlenih osoba sa područja grada Živinice koje će se angažovati na stručnom osposobljavanju bez zasnivanja radnog odnosa u toku 2022. godine uvjetovan je visinom planiranih finansijskih sredstava u budžetu Grada Živinice za 2022. godinu. Za lica na stručnom osposobljavanju bez zasnivanja radnog odnosa

čiji period trajanja prelazi u 2023. godinu, a za koje je nadležna služba dala saglasnost planirat će se finansijska sredstva.

Član 5.

Nakon što pravni subjekt kao poslodavac sa nezaposlenom osobom zaključi Ugovor o stručnom osposobljavanju bez zasnivanja radnog odnosa jedan primjerak istog je dužan dostaviti Službi za opću upravu, društvene djelatnosti, boračko invalidsku zaštitu Grada Živinice, radi evidentiranja i refundacije finansijskih sredstava, a u roku od osam dana kopiju istog Ugovora Službi za zapošljavanje Tuzlanskog kantona, biro Živinice, radi evidencije i nadzora.

Član 6.

Nezaposlene osobe na stručnom osposobljavanju bez zasnivanja radnog odnosa imaju pravo na zdravstveno osiguranje putem Federalnog zavoda za zapošljavanje, Službe za zapošljavanje Tuzlanskog kantona (biro Živinice) kako je to utvrđeno propisima za nezaposlene osobe.

Član 7.

Grad Živinice preuzima obavezu refundacije finansijskih sredstava pravnim subjektima kod kojih se nezaposlene osobe stručno osposobljavaju, za slučaj povrede na radu i profesionalnog oboljenja, u skladu sa propisima o penzijskom i invalidskom osiguranju, i to samo onim pravnim subjektima koji su prije potpisivanja Ugovora sa nezaposlenim osobama pribavili saglasnost Službe za opću upravu društvene djelatnosti, boračko invalidsku zaštitu i raseljene osobe Grada Živinice.

Član 8.

Refundacija finansijskih sredstava za osiguranje nezaposlenih osoba za slučaj povrede na radu i profesionalnog oboljenja, vršiti će se po zahtjevu poslodavca, uz dostavu dokaza o izvršenim uplatama navedenog osiguranja (izvod sa žiro računa poslodavca ovjeren pečatom preduzeća i potpisan od strane ovlaštene osobe ili uplatnica), mjesečno ili kvartalno, kako je to lakše pravnim subjektima kod kojih se nezaposlene osobe stručno osposobljavaju.

Član 9.

Grad Živinice nezaposlenim osobama na stručnom osposobljavanju ne može isplaćivati plate i naknade (topli obrok, naknada za prevoz i druge naknade), za vrijeme trajanja stručnog osposobljavanja.

Ukoliko pravni subjekti nezaposlenim osobama isplate plate ili neke druge naknade što je pitanje o kojem odlučuju pravni subjekti u kome se nezaposlene osobe stručno osposobljavaju, Grad Živinice neće refundirati finansijska sredstva isplaćena za ove namjene.

Član 10.

Javnim pozivom broj: 01/2-04-89-342/22 od 16.03.2022. godine sljedeći pravni subjekti iskazali su interes za prijem nezaposlenih osoba za stručno osposobljavanje bez zasnivanja radnog odnosa:

R.br.	Naziv pravnog subjekta	Visoka stručna sprema VSS	Srednja stručna sprema SSS, IV stepen
1.	Advokatska kancelarija Bandović	Bachelor prava- (3 osobe)	
2.	Porezna uprava FBiH, Porezna ispostava Živinice	diplomirani ekonomista - bachelor ekonomije (2 osobe) diplomirani pravnik- bachelor prava (2 osobe)	ekonomski tehničar (1 osoba) gimnazija- opći smjer (1 osoba)
3.	ALMERS d.o.o. Živinice	diplomirani ekonomista (1 osoba)	Trgovac (1 osoba)
4.	NOTAR JUSUF HALILOVIĆ	diplomirani pravnik (1 osoba)	
		građevinski inženjer (1 osoba)	arhitektonski tehničar

5.	FINIŠ d.o.o. Živinice	arhitektonski inženjer (1 osoba)	(1 osoba)
6.	SM ACCOUNT d.o.o. Živinice	diplomirani ekonomista - bachelor ekonomije (2 osobe)	srednja ekonomska škola (1 osoba)
7.	RAČUNOVODSTVENA AGENCIJA MS KONSALTING	Diplomirani ekonomista (1 osoba)	
8.	KAZNENO POPRAVNI ZAVOD TUZLA	Psiholog - filozofski fakultet, odsjek za psihologiju (2 osobe) Vaspitač/odgajatelj osuđenih osoba: filozofski fakultet (odsjek psihologija, pedagogija, sociologija) edukacijsko-rehabilitacijski fakultet, fakultet političkih nauka (odsjek sociologija) ili drugi fakultet društvenog smjera (6 osoba) Diplomirani pravnik (2 osobe)	Operater/daktilograf- Srednja upravna škola ili biro tehnička škola (1 osoba) Tehnički sekretar- srednja upravna škola, gimnazija, biro tehnička (1 osoba)

Član 11.

Nezaposlene osobe na osnovu iskazanog interesa pravnih subjekata iz člana 10. javnog poziva mogu se obratiti lično navedenim ili drugim pravnim subjektima (poslodavcima) u toku 2022. godine, kako bi iskazali interes za stručno osposobljavanje, te u skladu sa odredbama ovog Javnog poziva ugovorili stručno osposobljavanje bez zasnivanja radnog odnosa.

Javni poziv za stručno osposobljavanje lica bez zasnivanja radnog odnosa evidentiranih u JU Služba za zapošljavanje Tuzlanskog kantona, biro Živinice i pravnih subjekata ostaje otvoren do 31.12.2022. godine.

Sve dodatne informacije mogu se dobiti na broj telefona: 035/743-387
Kontakt osoba: Safet Đulović

Dostaviti:

1. Web stranica Grada Živinice 1x
2. Oglasna tabla Grada Živinice 2 x
3. RTV Živinice 1x
4. Arhiva 1x

GRADONAČELNIK

dr.sci Samir Kamenjaković

Preipremili:

Komisija:

1. Naida Husić _____
2. Admir Aljić _____
3. Maida Beširović _____

Kontrolisao:

Pomoćnik gradonačelnika: Said Čerkezović _____
Sekretar organa uprave: Suvad Butković _____